



徐公文集卷第二十八

東海徐

鉉

泗州重脩文宣王廟記

邢州紫極宮老君殿記

洪州華山胡氏書堂記

江州新建尚書白公祠堂記

洪州始豐山興玄觀記

金陵寂樂塔院故玄寂禪師影堂記

撫州永安禪院記



潤州甘露寺新建舍利塔記

重建宓子賤碑陰記

邠州定平縣傳燈禪院記

泗州重修文宣王廟記

昔我先聖有周公之才無文王之時故憲章其道以垂萬世精神宣契夕則夢之是知千載旦暮蓋其道同也自時以降鴻儒碩生敷暢微言佐佑大化專一之志通于神明咸夢宣尼以著名實斯文間作來者不誣國家彰灼神功在宥天下禮樂刑政舉百王之

中典謨訓誥用三代之式文學之士靡然向風臨淮徐君名某字某弱而好學壯而有立行敦乎族黨名聞於州閭修辭立誠躬儒者之業博施濟衆秉義士之規隨計春官再不中選會長子宗益郡亦舉秀才君以為名不可多取即欲退而求志無何夢游淮上倏有淪胥之厄象君子極之而置于宣聖之堂儼然逢掖之容若奉緇帷之會寤而神聳益用兢懷聞者竒之勉以西上明年春冕旒臨御親較羣才宗朝之間父子俱捷蓋古今未之有也君歎曰

天子廣孤平之路杜請謁之門先聖知之是有敦勉  
斯實至德感兆鄙何有焉思欲昭荅靈心丕顯玄旣  
惟茲泗上雄視百城學校之制我不在後王業伊始  
天下初平舟車輻湊之都郵傳旁午之地邦君丞掾  
日不暇給弦誦之所窺戶聞然君白于公府願補闕  
政於是出家積鳩國工即舊謀新瞻星揆日乃建路  
寢乃立應門闕講論之堂設東西之序廣衮合度奢  
儉中規像設增嚴繪素加煥凡祭器制度皆圖於垣  
墉俾夫觀藝之徒橫經之侶居今識古庶往實歸三

代之風由斯而致也錄事參軍張君濬網紀之任夙  
夜惟寅嘗與同僚及斯而歎曰

振舉廢闕公力未遑當屬於好事君子非徐君不能  
也及茲締鑿如宿契焉是知善人之言罔弗響荅夫  
聖人之教也與天地常在將陰陽並運恍惚玄應昧  
者不知今徐君服之而成大名感之而臻介福咨爾  
後學可不勉歟金石之銘其無媿已于時歲次乙酉  
雍熙二年秋七月記

邢州紫極宮老君殿記

昔者老君伯陽憫大道之既隱傷周室之既微以為  
清淨無為道之本也非建言不能盡其意安上治民  
道之用也非設教不能永其成乃著書於函關以明  
清心之要授禮於仲尼以開垂世之統繇是教義之  
被於民如造化之漸於物賢者識其大不賢者識其  
小出入戰國經歷薄俗君君臣臣父父子子民到于  
今受其賜則二聖人是賴焉故並享明祀格于寓縣  
雖百世不能易也邠州紫極宮者唐開元中所立老  
君像則琢玉石以為之真靈所憑功用殊絕曄容奇

表儼然若存瞻仰之徒莫不增肅王室剝亂郡國崩  
離三晉之郊戎馬孔棘宗堂隳落乃移像於北極殿  
之西偏數十年間不絕如線皇宋膺運百度惟貞道  
風載陽真侶咸萃萃女道士陳體元江左右族夙挺  
玄符不從象服之華自結鳳羅之誓勤行匪懈真氣  
日滋乙亥歲伯氏從宦將之俱至岷岵知化汗漫與  
期郡守賢之授以宮任亦既泣止慨然永懷嗟崇鑿  
之傾積歎尊位之蹂雜程工度費即舊謀新知州事  
段公思恭仙派分源諫垣舊德嘉其偉志助以俸金

郡僚而下歡然風靡即宮之西序建老君殿三間材  
用必良工藝必精廣袤中規奢儉合度旭景昇而丹  
彩煥清風襲而來氣生肅然仙都復覩靈境粵某年  
月奉玉像而處焉霓衣致虔羽蓋成列几筵嚴肅香  
燭苾芬鍾磬咸和煙雲改色非至誠感召孰能臻此  
者乎練師之家弈葉從公清白垂訓仲兄前鹿邑令  
省躬秉直忤俗退而居貞李元邢州書記長參學古  
入官和以接物積善之家宜生仙才鉉知二君歲久  
故美其事而紀于石某年十二月二日記

洪州華山胡氏書堂記

士君子承積善之慶服聖人之道治身修心義之本  
也風行於家德之充也教被於俗仁之周也疇克其  
舉吾其與之豫章屬邑世雲舊里山水特秀英靈所  
躔安定胡君籍於是君名仲堯字光輔弈葉儒學蟬  
聯簪紱曾門標舉煥列宿之華祖德韜映載少微之  
耀至于我先人少好左氏春秋之學研幾索隱儒者  
宗焉及君之長克揚其業言斯出矣身則踐之揖讓  
周旋之儀孝友姻睦之行修乎閨門之內形于羣從

之間少長有禮絲麻同爨鄉黨率義人無間言然君  
以為上古之風可以馴致由六經之旨可以化成也  
乃即別墅華林山陽玄秀峯下今上書堂焉築室百區  
聚書五千卷子弟及遠方之士肄學者常數十人歲  
時討論講席無絕又以為學者當存神閑曠之地游  
目清虛之境然後粹和內充道德來應於是列植松  
竹間以葩華涌泉清池環流于其間虛亭菌閣鼎峙  
于其上處者無斃游者忘歸蘭亭石室不能加也又  
案圖謀云昔陶丘公李八百皆修道於此是知人境

相得其道乃光勤而行之古猶今也鉉欽羨其事道  
阻且躋故述斯文以垂不朽年月日記

洪州新建尚書白公祠堂之記

大丈夫處厚居實據德依仁豈徒潔身將以濟世故  
著於事業發於文詞而後功績宣焉聲名立焉蓋有  
其實者必有其名是以君子恥沒世而名不聞也若  
乃格于穹壤漸于蠻夷大則藏於金匱石室之書細  
則誦於婦女稚孺之口則古今已來彰灼悠久未有  
如白樂天者其異乎故神明相之攸居不傾黎氓懷

徐集卷中  
之餘風不泯士大天神交道親若旦暮焉尋陽古郡  
昔公謫宦之所綿祀二百市朝屢變而司馬事之室  
巋然獨存斯益異矣聖運光啓崇古尚文三代之風  
傳遠萬里禮部郎中江南轉運使張去華述職按部  
幸來是邦弭節城闈攝齊堂奧以為先賢所舍邑里  
具瞻與夫元規之樓惠遠之社崇飾祇薦我何後焉  
太子中允知州事梁君翊贊善大夫通判州事羅君  
或叶規同心相視莫逆政有餘裕府多羨財即舊謀  
新創為祠宇傳寫廬山之遺像寘于北墉棟宇深嚴

門序奧秘肅然廟貌想見其人凡游居之徒仰高山  
聆遺韻薦誠觀藝結轍於斯禮不云乎禱祠古之卿  
士有益於人者觀樂天之文主諷刺垂教化窮理本  
達物情後之學者服膺研精則去聖何遠其為益也  
不亦多乎尸而祝之固其宜矣某昔遊廬岳獲拜儀  
形今塵騎省遙聞締鑿喜儒宗之不墜嘉使者之得  
人故作斯文勒于貞石年月某記

洪州始豐山興玄觀記

聖人之言道無不在若乃域中歸其大萬物恃之生



鴻化玄造無德而稱已至於顯神道之教挺方外之  
朝反之於身以固其本清心鍊氣保精畜神食霞茹  
芝修用者殊規御風乘景游集者無方蓋真階仙品  
之有差故洞天福地而區別奇篇所紀靈境可尋豫  
章始豐山者案圖諒第三十七之福地也爾其穹窿  
蹇產干霄蔽日凌空瞰野之勢嶽崖窈窕蒸雲泄雨  
儲神宅怪之奇陰林修幹材用之所生也周飛湍激  
流利澤之所及者遠紫煙白霧隱映而紛霏靈風爽  
氣蕭寒而披靡醮享之數歷代相因爰有興云之觀

是為薦誠之地土德玄季三災迭興市朝賀遷堂今上御名  
隙垣幾歎遼城之鶴常栖梵幕之烏若夫真氣所憑  
神靈攸相物無終否道不遠人道士聶紫庭襲玉笥  
之地英追九仙之夙契以勤行為志業以訪古為師  
資歲在玄枵來游此觀顧瞻祠宇慷慨傷懷徒侶敦  
請遂膺其任積行所應至誠易通游居之人莫不信  
奉以為興作者古人之所慎因循者前哲之所宗足  
徧制度何必侈太於是補其闕而葺其壞窒其隙而  
扶其傾集瓴甃塼埴之工加朽鏝丹雘之飾瑣窓鏤

徐集卷五  
檻朱戶金鋪深沈靡也虛明藻麗百年舊制一旦維  
新日就厥功十稔而已已不病於費人不知其勞用  
此脩直直其焉往又以方志漏略碑頌煙沈使夫來  
者何所宗仰謂余為好道者故求我以文是用直書  
以觀成績淳化元年夏六月記

金陵寂樂塔院故玄寂禪師影堂記

士有切問強記以脩其內和光退卽以晦其外而人  
自仰之名自歸之不知所以然而然見之於玄寂禪  
師矣師名澄玘姓陳氏番禺人既生而孤天骨奇秀

歧嶷之態有異常童常端居靜念如學道者七歲復  
失所恃母臨終以託其姑曰此兒幼有奇應法當出  
家儻果斯願吾無恨矣年十一歲遂詣本郡從師十  
七歲韶州南華寺止度於是造詣先達請益質疑歷  
游名山無遠弗届不違類於顏子起予同於卜商丁  
未歲來止舒州山谷寺徧閱經論師門之學無所不  
通然未嘗為人言也是時季唐二葉像法大興凡聚  
徒講學者所在奉之以為長老禪師狎狗鷗之志慕  
爭席之風雖衆人與居而羣望自集道俗敦請抗志

不從郡守周公因人之心封章上啓嗣君嘉賞以詔  
書命之周公延至郡齋親為致禮師不得已乃攝齋  
即坐音詞宣朗察吏屬目士庶咸歡還處精廬宴居  
如故丁巳歲避難南渡止于廬山嗣君召致建康累  
徵乃至迭處名寺咸敷講席息禮優渥賜號玄寂禪  
師時之名流無不景仰至於誘進後學開導真詮激  
厲憤排皆得所欲乾德五年冬十一月終于建康龍  
光禪院春秋六十有一後主遣中使護葬贈送甚優  
葬于都城東南隅鳳臺鄉門人弟子廬於墓次誅茅

全字遂成道場儼設靈儀式觀遺愛鉉項自禁掖放  
逐舒庸閉關却掃不豫人事時游嵩岳因獲鑿止容  
貌閑暇議論平淡言意相得有若舊交雖慙方外之  
期自叶忘形之契一生一死已隔於當年谷變陵遷  
復悲於陳迹弟子嗣昭等永懷遺範願勒貞珉因述  
斯文庶申夙分年月日記

撫州永安禪院記

教之大者其行遠利之博者其報豐自三代已還百  
家並騫炎靈之後釋氏特隆經法之盛象乎先聖祠

字之設廣於虞庠不知所以然而然非言象所及已  
撫州郡署之左一里而近有禪院焉乾符中署曰寶  
國天祐中改名永安方志失傳莫知肇興之始高人  
迭處咸為宴坐之場夫經像之所居必馨之所薦必  
將據郡國之形勝襲川原之氣象斯郡也摠楚越之  
都會斯院也浸章汝之清流逸少康樂江左名士而  
墨池經臺介乎比閭麻姑南真丹臺上列而仙壇開  
館峙乎封域閑閑相望鐘磬交音神靈之所依憑烟  
霞之所韜映爾其棟宇之狀也則赫赫乎顯敞耽耽

乎深嚴黼藻成文磨龍畫妙層樓對峙脩廊四通列  
講肆於崇堂安象士於奧室動有擊蒙之益靜有寧  
體之娛儲峙必豐器用必給四方學者至輒如歸考  
績程功則住持禪師義韜之力也韜公道學精詣慧  
心朗悟以濟衆為務以興教為懷少將名都歷訪先  
達晚棲臨汝自闕師門甲申歲來詣京華褐衣請見  
對揚玉宸躬奉天言論難所及辭義響答聖恩嘉矚  
贈以紫衣登門之徒莫不增肅韜公以斯院制度崇  
麗修奉精嚴金石闕如何以示後惠然見顧求我以

文辭讓不獲因為之記年月日記

潤州甘露寺新建舍利塔記

維皇宋二葉改元五祀潤州丹徒縣令王紀改築縣  
牆掘地得石函驗其刻文梁大同五年道人法序瘞  
真身舍利於此函中銅龕一龕中銀台一台中銀瓶  
二舍利七粒存焉而銅龕復有刻文則唐貞觀十二  
年再加營奉掌役者張遇獲之以獻遇也感貞應之  
在已念妙道之可修因投郡之慈雲寺削髮為沙門  
易名闍真精心苦行誓復前迹廣募眾施疇咨協心

數年之間克果其願即以端拱元年夏四月八日遷  
致于郡之甘露寺東隅建浮屠焉獻狀而來求志其  
績粵

聖人在上欽若靈心政無不脩神靡不舉玄旣交感  
坤元効珍用能使幽瘞之質煥然景彰寤崩之迹蔚  
然雲豁然則澤及微隱福被含生其可知也是郡也  
揚州之都會京口之重鎮六代之風流人物綜萃於  
斯三吳之山川林泉肇發於此高深自改氣象常存  
是寺也北固山之陰崖贊皇公之遺迹净噪飛閣廻

闕滄江邈迤巖房周行數里植一之作遠邇雲臻故  
真師因人之心相地之勝獲此空隙建茲崇封材用  
工役必求善良規模制度必據經法其高七十尺其  
周二十步八隅瑩玉五盞凌霄冠星珠於觚稜海日  
先照圖雲氣於梵捺宿霧常棲中巖眸容肅然月滿  
旁績靈變煥若霞舒游居之徒莫不稱歎愚嘗見釋  
氏子為此役者多矣如真師者其涉道也淺其居處  
也卑上無許史之託下無猗陶之助苦節以感物績  
微而著功不愆民不愆素而能事以立亦可尚也故

嘉而志之端拱二年二月一日記

重建宓子賤碑陰記

單父縣宓子賤舊碑實至文梁耿書天寶十年四月  
四日柳載建始致於故縣北隅琴堂之上光化二年  
以縣為郡署縣令李知傑移理於今所碑亦隨徙措  
置不謹風雨所摧因折為數段扶置垣墻之間及今  
八十年矣皇宋撫運書軌大同人文化成清靜為理  
縣令毛君名房幾越自江左來撫斯民見賢思齊好  
古博雅以為宓子之化人猶不忘賈君之文人共稱

賞若棄之而不修非所以訓民事神也於是再建隆  
碣重書舊詞以鉉嘗學篆籀見求運筆梁氏之迹本  
自非工仍為倒薤之勢非八書之正也而又字體譌  
俗文詞舛誤今以賈氏集校而正之遠擬秦李斯改  
為玉箸立於宓君之祠庭事之宜也以改作之意附  
于碑陰云太平興國五年正月二十日記

邠州定平縣傳燈禪院記

乾維巨屏寔曰邠郊其地險固其氣剛勁被宗周信  
厚之澤詠王業艱難之風是故人知徵福之方俗嚴

慈氏之教精廬靜宇隱赫相望定平縣傳燈禪院者  
帶位署之左方據郭邑之勝勢四面環其趾湮水盪  
其胷却倚崇岡爰標龍尾之號上寫寒澗仍有天河  
之稱藹爾鮮原鬱然佳氣昔居唐室之季四海崩離  
中和四年有禪師從一者挺秀宗門從師臨海避難  
高舉擇地遐征萬里而來稅駕於此相其爽塏有志  
盤桓羣心翕然助成其事買地築室者咸集橫經疏  
履者亦臻十年之間百堵斯建守官嘉尚請命于朝  
景福二年詔賜題署天光所及道譽彌高一公化去

弟子佐範克嗣其業範之弟子知信復繼其任守之  
以恪加之以勤感召益多法事增廣殿堂像設靡不  
莊嚴儲峙器用無乏供億而經典猶闕請誦弗聞以  
為居今識古者存乎書觀象得意者存乎言金匱石  
室之宏規名山京師之故事此而不務何以為能乾  
德四年秋肇啓精誠指期繕寫邑人石遷等聞風而  
悅叶比其謀日就月將惟力是視卷以緡扶貯之琅  
函邑人高玘奉其家山以脩鑿室米伐之備夫役未  
充俄而暴雨猥至山溜奔激屹然巨石自至院前取

以給用宛契心匠雖廬岳神運之殿石頭後渚之梁  
感通冥符無以過也既而信公復沒以屬弟子令熙  
熙也遵行弗敢失墜而民非兆萬俗空猗陶漸以化  
之靜以俟之二十許年猶未訖事會中使王君名素  
分權筦之職督關梁之征歸餘於終率籲象力於是  
簡牘几閣即日僞工俾下惟鑿壁者得肆其勤研精  
索隱者不愆其義真風無泯介福來臻繫高士四世  
之勤垂本宗百代之憲宜其篆刻金石永示方來知  
余有好善之心專舊史之學求我是用直書于時歲



徐公集卷二十八  
次壬辰淳化三年春三月記

徐公文集卷第二十八

徐公文集卷第二十九

東海徐鉉



大宋左千牛衛上將軍追封吳王隴西公墓誌銘

大宋右千牛衛上將軍隴西郡公李公墓誌銘

大宋故處士贈太子少師李公墓誌銘

大宋故尚書戶部郎中王君墓誌銘

大宋故尚書兵部員外郎江君墓誌銘

大宋故陳留縣主簿贈太子中允李府君墓誌銘

大宋左千牛衛上將軍追封吳王隴西公

墓誌銘并序

盛德百世善繼者所以主其祀聖人無外善守者不能固其存蓋運曆之所推亦古今之一貫其有享蕃錫之寵保克終之美殊恩飾壤懿範流光傳之金石斯不誣矣王諱煜字重光隴西人也昔庭堅贊九德伯陽恢至道皇天眷祐錫祚于唐祖文宗武世有顯德載祀三百龜玉淪昏宗子維城蕃衍萬國江淮之地獨奉長安故我顯祖用膺推戴淳耀之列載光舊吳二世承基克廣其業皇宋將啓玄旣冥符有周開

先太祖歷試威德所及象宇將同故我舊邦祇畏天命貶大號以稟朔獻地圖而請吏故得義動元后風行域中恩禮有加茲懷不世魯用天王之禮自越常鈞鄒存紀侯之國魯何足貴王以世嫡嗣服以古道馭民欽若彛倫率循先志奉蒸嘗恭色養必以孝賓大臣事耆老必以禮居處服御必以節言動施舍必以時至於荷全濟之恩謹藩國之度勤脩九貢府無虛月祇奉百役知無不為十五年間天眷彌渥然而果於自信怠於周防西鄰起釁南箕禍投行致慈

親之感乞火無里婦之辭始勞因壘之師然後塗山之會口太祖至仁之舉大賚為懷錄勤王之前効恢焚謗之廣度位以上將爵為通侯待遇如初寵錫斯厚

今上宣猷大麓敷惠萬方每侍論思常存開釋及飛天在運麗澤推恩擢進上公之封仍加掌武之秩侍從親禮勉諭優容方將度越等曩登崇名數嗚呼閔川無捨景命不融太平興國三年秋七月八日今上薨于京師里之第享年四十有二

皇上撫几興悼投瓜軫悲痛生之不逮俾歿而加飾特詔輟朝三日贈太師追封吳王命中使泣葬凡喪祭所須皆從官給即其年冬十月日葬于河南府某縣某鄉某里禮也夫人鄭國夫人周氏勲舊之族是生邦媛肅雍之美流詠國風才實女師言成閭則子左千牛大將軍某襟神俊茂識度淹通孝悌自表於天資才略靡由於師訓日出之學未易可量惟王天骨秀異神氣清粹言動有則容止可觀精究六經旁綜百氏常以為周孔之道不可暫離經國化民發號

後集卷之九  
施令造次於是始終不渝酷好文辭多所述作一游  
一豫必以頌宣載笑載言不忘經義洞曉音律精別  
雅鄭窮先王制作之意審風俗淳薄之原為文論之  
以續樂記所著文集三十卷雜說百篇味其文知其  
道矣至於弘天之善筆札之工天縱多能必造精絕  
本以惻隱之性仍好竺乾之教草木不殺禽魚咸遂  
賞人之善常若不及掩人之過惟恐其聞以至法不  
勝姦威不克愛以厭兵之俗當用武之世孔明罕應  
變之略不成近功偃王躬仁義之行終於亡國道有

所在復何媿歟嗚呼哀哉二室南峙三川東注瞻上  
陽之宮闕望北邙之靈樹旁寂寂兮迴野下冥冥兮  
長暮寄不朽於金石庶有傳於竹素其銘曰

天鑒九德錫我唐祚綿綿瓜瓞茫茫商土裔孫有慶  
舊物重覩開國承家彊吳跨楚喪亂孔棘我恤疇依  
聖人既作我知所歸終日靡俟先天不違惟藩惟輔  
永言固之道或汙隆時有險易蠅止于棘虎游於市  
明明大君寬仁以濟嘉爾前哲釋茲後至亦鑿亦見  
乃侯乃公沐浴玄澤徊翔景風如松之茂如山之崇

徐集卷之三  
奈何不淑運極化窮舊國疏封新阡啓室人驗之謀  
卜云其吉龍章騶德蘭言玉質貌爾何往此焉終畢  
儼青蓋兮排排驅素虬兮遲遲即隧路兮徒返望君  
門兮永辭庶九原之可作與緱嶺兮相期垂斯文於  
億載將樂石兮無虧

大宋右千牛衛上將軍隴西郡公李公墓

誌銘

公諱從善字子師隴西成紀人唐室之諸孫元和之  
近屬譜謀詳悉此不具陳若夫天祚之德大運有時

而極積慶之祀百世無得而踰必生克肖之賢以承  
有後之應保姓受氏公實宜之昔者土德既徵羣雄  
角立維我顯祖奄宅舊吳延祚四紀傳國三世公以  
天屬之愛膺寶王之封始在膠庠已有名望姿儀秀  
出文學生知仁孝極於事君謙揖形於下士中外之  
論翕然稱之由是受任六官交修庶職彌綸舊典諮  
訪老成怡居無違所至皆理于時聖人出於中土正  
朔及於四方維我先君祇畏天命受盟請吏息民弭  
兵玉帛交馳冠蓋相望公親則介弟位則中台獨奉

絲綸留叅槐棘元戎駟牡分建節之權玄冕九章奉  
侍祠之列朝獎既厚臣誠益恭後周之景無渝萬頃  
之陂自若故得全名節於危疑之際保恩顧於終始  
之間環衛迭遷寄任增重盤根必解師律以貞十有  
餘年其志如鳴呼修塗方騁景命不馳春秋四十有  
八雍熙四年秋九月薨于通許護軍之解詔輟朝一  
日賻絹百匹即其年冬十月十三日葬于開封府開  
封縣吹臺鄉蘇里村太夫人凌氏之塋禮也前夫人  
徐氏繼室周氏並早卒皆有肅雍之德窈窕之華宜

家治內盡其規魚軒象服昭其盛子十四人仲顛仲  
翊仲衍仲華仲雅仲頴仲寧仲簡仲彬仲文仲猷仲  
玄仲義仲端女十四人慕英懿御奉蘋蘩蘭正容茂  
節粹仙惠昭如賓道崇鳳兆幼貞閨秀季貞或嬪于  
盛族或待禮未行惟公生于深宮特稟異氣謙而得  
禮和而執中容納直言賓延素士經歷夷險雅度不  
渝大年未登終古同歎鉉登門斯久辱顧殊深永惟  
知己之恩願表為陵之谷其銘曰

真源引派仙李垂芳實生戎公金玉其相非禮勿動

徐集卷之九  
出言有章忠信以濟終然允減三代之姓修焉為庶  
九萬之程盍然中路吹臺北峙浚川東注不植刺草  
長瞻宰樹大雅君子隴西公之墓

大宋故處士贈太子少師李公墓誌銘并

序

道之泰也賢人振衣而濟物時之否也君子括囊以  
獨善其有修之家而乎教於俗無其位而博施於人  
角立傑出蓋亦難矣公諱某字某庭堅邁德百世流  
光源長派遠蕃衍郡國今為常山真定人也祖某贈

太子少保考某贈太子少傅公即少傅第三子也幼  
而岐嶷長而純孝承顏先意實稟生知七歲丁太夫  
人憂泣血絕漿殆於毀滅宗族驚異謂之神童事兄  
弟人莫能間先是唐之叔世燕趙多虞故我先人累  
世貞遯公亦奉家法咸樂丘園躬耕敦本儉以足用  
百年之業是享素封既而天下兵興生民益否公盡  
出私積以均有無為食以救飢歛微嗟來之請焚券  
以調乏絕非市義之求遠邇之人全濟其象懷仁向  
義者撫之既無矜色背惠棄信者接之亦無愠容襟

懷曠然莫窺其際慈愛惻隱視人如傷昆虫草木無所天闕故閭里率化風俗以和崇儒尊道墳籍未嘗釋手喜酒好客醒醉必與之同常以為芳華易凋光陰不駐發於吟詠以寄其情黎杖角巾所至皆適是非擾擾若蚊蚋之過前愚智憧憧若蜚蠊之在側至矣哉古之達者也開運末有晉失御獫狁孔棘公挈家南度居于昨城伯氏飛龍府君時在縈陽召公同處廣順三年夏六月日終于鄭州私第享年四十有三夫人清和郡太夫人張氏以謝女之淑德徇萊妻

之高節宜家理內令問藹然威姑性嚴諸婦皆聳夫人順而得禮勤而無怨晨夕參侍獨被深慈凡飲食藥餌須經夫人之手然後即御長妣亦頗嚴厲夫人事之如姑或被誚責怡聲致拜由是閨門之內不肅而成及罹菽姜之哀更全孟母之訓諸孤稍長教以學文為之擇師友為之致經籍凡學舍賓館之所須者輟衣食捐簪珥以奉之躬截髮之惠俾其親仁引斷織之言誠其中廢故諸子皆立門戶如初越建隆二年秋七月十日終于鄭州私第享年四十有五長



子格大理評事次子至吏部侍郎兼秘書監吏部以  
文學冠時擢高第於聖鑒以才業膺世參大政於中  
樞以疾告罷復為少宰天子祕御書于中禁命我專  
掌式恢文教時人榮之先是少師之葬也世猶多故  
禮或有闕及夫人祔也塋地逼隘介于羣冢之間君  
子曰非安神之宅也即以端拱元年冬十二月十三  
日改卜于鄭州管城縣其鄉里原禮也鉉鄉里遼夏  
聲塵致睽竭來京師獲與吏部游處覩于公高門之  
盛知減孫有後之由公之行實皆聞於輿論或得於

家老梗槩而已不能備舉也金石之紀宜在鴻儒惠  
然見顧辭不獲命謹為銘曰

天生賢人以佑生民生民數竒賢人隱淪修之於家  
富以其鄰里閭率化宗族歸仁樂天知命全和保真  
鳳皇于飛以况嘉耦伯鸞之妻士行之母婉淑宜家  
嚴慈啓後金鈎鵲印魚軒紫綬令問無已流光不朽  
刻此貞珉高深共久

大宋故尚書戶部郎中王君墓誌銘

君諱堯貞字守節其先太原人也緱山之胄本固源

長淮水既微枝分派別所居占籍吳楚為多今為廬  
陵人矣曾祖某不仕祖某贈吉州別駕考某屯田郎  
中君弱不好弄幼善屬文風骨峻整器度閑雅年未  
及冠名聞於時自唐室之季詞場道喪江左延祚復  
覩舊章翰林學士江君文蔚典司春官詳求藝實取  
人至寡較文尤精君一舉擢第首冠諸子時人以為  
追蹤元和之際矣明年以秘書省正字釋褐寓直樞  
近專掌文翰之任措詞典雅叙事詳審守位以慎當  
官以勤由是二十餘年累遷至中書舍人樞密副使

未嘗佞任求之前載亦為異矣及未業多故時政浸  
衰唯吾守道中立不涉浮議及宗國淪喪策名天朝  
自太子中允歷戶部兵部二員外郎禮部戶部二郎  
中典漢滑襄梓四州事皆以寬簡為務仁愛推誠當  
時之不名臣僕長孺之擇任丞吏是故民以之睦政  
以之修端拱二年秋自梓潼還至京九月十八日今上御名  
疾終于興州之傳舍享年六十明年某月日葬于揚  
州某縣鄉里禮也夫人隴西縣君李氏早亡無子女  
一人許遠鹽鐵使諫議陳某惟君有文雅之用有周

慎之誠言行相顧光塵不異奉職無廢舉在私無惰  
容歷夷險而不回保始然而無吝初君始從鄉薦余  
已典綸詰謬為先達屢辱請益及余消長在運而君  
金石不渝古人之風於是在矣已悲深谷更閱逝川  
發為哀詞識彼泉戶銘曰

猗嗟夫君心冥氣純英英達士疊疊詞臣不愆於位  
有惠於民無悔無咎不緇不磷吉往凶歸道悠運促  
旋自九折復于左轂駟馬悲鳴市人行哭邈矣彼蒼  
云何不淑悠悠邦水隱隱崑岡慈親臨奠令季持喪

旁羅宰樹下閔玄堂郊原掩靄雲日冥茫痛光塵兮  
永已念蘭菊兮徒芳

大宋故尚書兵部員外郎江君墓誌銘

君諱直木字子建尋陽人也廬九之地時生俊才忠  
壯之族世著南國末葉湮替與時汙隆儒墨退讓垂  
為家法曾祖晁祖蠟考騰皆不仕伯父夢孫與先君  
同隱廬山以經學大義自娛伯父後膺宰府之辭自  
求弦歌之任報政罷去復隱舊山孝友貞清鄉里推  
服先妣李氏方娠夢神人授以直木一本寤而生君

故取名焉。幼而穎悟，生知經義。七歲以神童擢第，未幾丁先君憂。至性孺慕，宗族稱歎。孜孜色養，無復官情。學古屬文，惟日不足。爰及弱冠，遂以詞藝知名。其為文清淡簡約，自為品格。尤長於古風詩。家居凡二十五年。親友敦喻，乃從常調。釋褐太常寺奉禮郎。轉江都縣主簿。直以事上不失其恭，勤以率下畢舉其職。民從其化，吏服其能。府尹陳玄藻、縣令路儀皆恃才傲物，獨推重於君，以為不如也。改江夏令，其理如初。鄂帥何洙武勳，致位性復暴桀，亦加優禮，異於餘

人。嘗視君舉止，迂緩車服，朴野輒怡然而笑。每責諸寮屬曰：君輩稱為儒生，不學江令也。秩滿改蘄州黃梅令。議者以為屈君以御曲，俯接欣然而往。踰歲遷欽州黠縣令。會宗屬封建，妙選府寮，授君記室之任。處平臺複道之地，列璫簪珠履之間，清節素風凜然。不改正詞直道，動必盡規。府公甚重之，十有餘年。累遷至水部員外郎，賜緋而記室如故。庚午歲，府公奉使天朝，留鎮充海校。君奉寧節度判官，檢校金部員外郎。數年遷司門員外郎，判刑部。今上元年加朝奉。

後集卷之十一  
即先君贈大理司直先妣追封隴西縣太君視事三載求外任以自效上以君恭勤詳慎宜久其職拜兵部員外郎仍兼刑部享年六十有四居常康寧微病數日奄從物故時太平興國五年冬十二月二十八日也即明年二月十日葬于開封縣汴陽鄉豐臺里禮也前夫人封氏今夫人太原縣君王氏皆有窈窕之質幽閑之操叶此貞節蔚其門風長子淑京兆府醴泉縣主簿次曰用成用明用澄用康用平用文用寧女二人曰慕昭用貞君生於季俗世全素業性純

兒古行潔文高守道安貧非禮不動未嘗忤物亦不隨流直所謂鞠躬君子者矣夙惠之性稟於天資年十餘歲侍伯父食不過園蔬而已伯父戲之曰啜白蕪之羹淡而無味君應聲荅曰齧紫茹之帶鏗爾有聲人知其當大成也余始聞其名晚乃識面察言觀行重其為人藩房見選余所薦也亦既稱職頗嘗自多丙寅歲與君俱年五十歲日會飲酒相與賦詩君先就曰學易寧無道知非素有心得余遂不復作也君有文集二十卷嗚呼契濶夷險咨嗟年鬢一生一死

孰克忘情聊存挂劍之期故有刊銘之作其詞曰  
嗚呼江君世濟其名生今之俗為古之人閨門侃侃  
鄉里恂恂其實如秋其華如春握蘭有裕伏閭惟勤  
考終歸全邈焉清塵葬於所沒古稱達者浚水長源  
夷門迥野徒挂寶劍空馳白馬勝氣如存逝川不捨  
勒石垂芳千載之下

大宋故陳留縣主簿贈太子中允李府君

墓誌銘并序

府君諱某字廣途其先隴西狄道人仙源帝系蕃衍

萬邦隴西一族獨為禹甲中葉從官因家雍丘今為  
縣人曾祖巢祖禮皆不仕考洪蔡州長史府君清明  
稟氣才智夙成幼而屬文已洽時譽既志學通左氏  
春秋未冠即為講說橫經請益虛往實歸微言奧義  
別為編錄年二十三舉進士再不中第後唐天成初  
宗人璩為太宗正見而器之曰王室多故吾道未光  
得祿而已何必是也乃表為屬吏委以牋奏丞相鄭  
公珏奇君之能特除蔡州汝陽主簿奏課連最改異  
州南宮主簿于時期運告謝河朔多虞君內撫疲羸

外給軍旅民安事集郡國稱之澤潞節度侍中馬公  
存節聞其名辭為管記薦章連上制命弗臨君知命  
之不遭乃謝病而退閉門却掃以名教自娛漢氏初  
基羣心改屬親友敦喻復詣京師直道而行焉往無  
吝又為興平河東二主簿秩滿以常調當遷望令時  
皇運肇啓多士徇名君之次子巨源已從鄉薦獲知  
於尚書陶公公時與選事謂曰大人才高運否遭廻  
下位臨區一宰未足為光孰若復佐近畿以便吾子  
之舉事不亦可乎乃除陳留主簿乾德六年春三月

四日終于縣署享年六十有八夫人追封琅耶郡太  
君王氏緱山仙派河洲懿德婦道以順家人用嚴睦  
族惟和訓子由義以乾德三年月日先逝俱權殯于  
縣之乾明寺至雍熙五年二月日合葬于開封府開  
封縣吹臺鄉蘇村禮也子五人長巨舟早亡次巨源  
擢進士第今為都官郎中鹽鐵副使次巨載以疾家  
居次巨川卿及二女皆早夭惟君懷恬淡之性秉貞  
介之規孝於奉親仁以睦俗雅志宗道餘力攻文有  
孔墨之志無管樂之遇淹翔末路從容自若所至之

處輒齎茅齋延高士談宴終日會無倦容嘗謂諸子  
曰吾志在大名非欲夸世欲行吾道爾時命不偶古  
則皆然汝輩宜勉成吾志也而巨源果能奮竒藻掇  
高科際會聖明騫翔臺閣長才利刃應用忘疲追遠  
之澤漏于泉卜宅之儀由乎禮積善之家斯在大名  
之應何慙仁人孝子止當如是鉉嚮風斯久傾蓋其  
歡不朽之文惠然見託賢賢善善翰墨之任也故來  
家謀勒于貞珉其詞曰  
才高位下古賢有焉積善餘慶神寧捨旃邈哉李君

一時之賢其身則屈其道欺全餘慶伊何寔有令子  
奉之以孝葬之以禮蜃輅同載佳城雙啓九原與歸  
三廟而祀遺愛被俗沒而不亡貞珉頌美久而彌芳  
阡如京兆地即桐鄉綿綿瓜瓞永永流光

徐公文集卷第二十九





